



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅՈՒՆ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ձեր _____

N21/ 3463
« 31 » 10 2022թ.

Հովհաննես Մկրտիչի Մկրտչյանին

**Հասցե՝ Արմավիրի մ., Խոյ,
Արշալույս, 19փ., տնակ 59**

Հարգելի՛ պարոն Մկրտչյան,

Ուղարկում եմ վերադաս վարչական մարմնի նախաձեռնությամբ Ձեր նկատմամբ
կայացված վարչական ակտն անվավեր ճանաչելու մասին որոշման օրինակը:

Առդիր՝ « 4 » թերթ:

Պեպ,

ոստիկանության փոխգնդապետ

Ռ. Մարանդյան

Կապ.՝ Վ. Սիմոնյան

Հեռ.՝ 010-59-66-84

« ՀԱՄԱՁԱՅՆ ԵՄ »

ՀՀ ոստիկանության իրավաբանական վարչության
պետ, ոստիկանության փոխգնդապետ

Ռ. Մարանդյան

« 28 » հոկտեմբեր 2022թ.

Ո Ր Ո Շ ՈՒ Մ

(Վերադաս վարչական մարմնի նախաձեռնությամբ վարչական ակտն անվավեր
ճանաչելու մասին)

« 28 » հոկտեմբեր 2022թ.

ք. Երևան

ՀՀ ոստիկանության իրավաբանական վարչության ԻՊ բաժնի ավագ տեսուչ,
ոստիկանության կապիտան Վ. Սիմոնյանս, ուսումնասիրելով ՀՀ ոստիկանության Արմավիրի
մարզային վարչության Վաղարշապատի բաժնի (այսուհետ՝ Բաժին) կողմից Հովհաննես
Մկրտիչի Մկրտչյանի վերաբերյալ կայացված վարչական ակտի վերաբերյալ նյութերը.

Պ Ա Ր Զ Ե Ց Ի

«Վարչարարության հիմունքների և վարչական վարույթի մասին» ՀՀ օրենքի 30-րդ
հոդվածի «բ» կետի համաձայն՝ ՀՀ ոստիկանության իրավաբանական վարչության
նախաձեռնությամբ հարուցվել է վարչական վարույթ:

Վարույթի համար նշանակություն ունեցող փաստերը.

1. 10.04.2022թ. Հովհաննես Մկրտիչի Մկրտչյանի նկատմամբ կազմվել է վարչական
իրավախախտման վերաբերյալ թիվ 72 արձանագրությունը: Արձանագրվել է ՀՀ վարչական
իրավախախտումների վերաբերյալ օրենսգրքի (այսուհետ՝ Օրենսգիրք) 173.2 հոդվածի 1-ին
մասով նախատեսված իրավախախտում:

2. 11.04.2022թ. ՀՀ ոստիկանության Արմավիրի մարզային վարչության Վաղարշապատի բաժնի պետի կողմից Հովհաննես Մկրտչյանի նկատմամբ կայացվել է վարչական իրավախախտման գործի վերաբերյալ թիվ 72 որոշումը, որով վերջինս Օրենսգրքի 173.2 հոդվածի 1-ին մասով նախատեսված արարք կատարելու համար ենթարկվել է վարչական պատասխանատվության, որի արդյունքում նշանակվել է տուգանք 50.000 ՀՀ դրամի չափով:

Կիրառելի իրավունքը (օրենքը)

«Վարչարարության հիմունքների և վարչական վարույթի մասին» ՀՀ օրենքը, Վարչական իրավախախտումների վերաբերյալ ՀՀ օրենսգիրքը (այսուհետ՝ Օրենսգիրք) և «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքը (այսուհետ՝ Օրենք):

Վարույթի արդյունքում արված եզրահանգումները

«Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի համաձայն՝ արգելվում է ծխախոտային արտադրատեսակների, ծխախոտային արտադրատեսակների փոխարինիչների (բացառությամբ բժշկական նպատակով օգտագործվող ծխախոտային արտադրատեսակների փոխարինիչների) օգտագործումը **այն վայրերում, որտեղ ծխելն արգելված է՝ համաձայն հրդեհային անվտանգության կանոնների:**

Օրենսգրքի 173.2-րդ հոդվածի 1-ին մասի համաձայն՝ Օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման արգելքը խախտելը առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի հարյուրիսնապատիկից երկուհարյուրապատիկի չափով, իսկ **ֆիզիկական անձի նկատմամբ՝ հիսնապատիկի չափով:**

Օրենքի 63-րդ հոդվածի 1-ին մասի «ա» կետի համաձայն անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ **օրենքի սխալ կիրառման կամ սխալ մեկնաբանման հետևանքով:**

Վարչական իրավախախտման գործի վերաբերյալ նյութերի ուսումնասիրությունից պարզ է, որ Ա. Խուդոյանը ենթարկվել է վարչական պատասխանատվություն Վարչական իրավախախտումների վերաբերյալ ՀՀ օրենսգրքի 173.2-րդ հոդվածի 1-ին մասի հատկանիշներով:

Օրենսգրքի 12-րդ հոդվածի համաձայն՝ վարչական պատասխանատվության ենթակա են այն անձինք, **որոնց տասնվեց տարին լրացել է մինչև վարչական իրավախախտում կատարելու պահը:**

Օրենսգրքի 13-րդ հոդվածի 1-ին մասի համաձայն՝ տասնվեցից մինչև տասնութ տարեկան հասակում վարչական իրավախախտումներ կատարած անձանց նկատմամբ **կիրառվում են անչափահասների գործերի հանձնաժողովների կանոնադրությամբ նախատեսված միջոցները:**

Նույն հոդվածի 2-րդ մասի համաձայն՝ տասնվեցից մինչև տասնութ տարեկան հասակում գտնվող անձինք սույն օրենսգրքի 53, 123-131, 160, 172, 173, 182, 190-193 հոդվածներով նախատեսված վարչական իրավախախտումներ կատարելու դեպքում ենթակա են վարչական պատասխանատվության ընդհանուր հիմունքներով: Հաշվի առնելով կատարված իրավախախտման բնույթն ու խախտողի անձը՝ նշված անձանց վերաբերյալ գործերը (բացառությամբ սույն օրենսգրքի 182 հոդվածով նախատեսված իրավախախտումներ կատարած անձանց) կարող են հանձնվել, իսկ սույն օրենսգրքի 53-րդ հոդվածով նախատեսված իրավախախտումներ կատարելու դեպքում, որպես կանոն, ենթակա են հանձնման, շրջանային (քաղաքային), քաղաքների շրջանային խորհուրդների գործկոմների անչափահասների գործերի հանձնաժողովների քննությանը:

Այսինքն՝ սույն հոդվածով սպառնիչ թվարկված են այն իրավախախտումները, որոնց համար իրավախախտում կատարած տասնվեցից մինչև տասնութ տարեկան անձինք ենթարկվում են վարչական պատասխանատվության ընդհանուր հիմունքներով:

Վարչական վարույթի նյութերի ուսումնասիրությունից հայտնի է, որ Հ. Մկրտչյանը ծնվել է 12.12.2004թ.-ին, այսինքն՝ վարչական իրավախախտումներ կատարելու պահին վերջինիս 18 տարին լրացած չի եղել, հետևաբար՝ չէր կարող վարչական պատասխանատվության ենթարկվել Օրենսգրքով սահմանված ընդհանուր հիմունքներով:

Այսպիսով՝ ՀՀ ոստիկանության Արմավիրի մարզային վարչության Վաղարշապատի բաժնի պետի 11.04.2022թ. թիվ 72 որոշումը կայացվել է օրենքի սխալ կիրառման կամ սխալ մեկնաբանման հետևանքով:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 67-րդ հոդվածով՝

Ո Ր Ո Շ Ե Ց Ի

1. Բաժնի թիվ 72 որոշումը ճանաչել անվավեր:
2. Որոշման օրինակը 3-օրյա ժամկետում ուղարկել կողմերին:
3. Սույն վարչական ակտը կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով նախատեսված ժամկետներում:

ՀՀ ոստիկանության իրավաբանական

վարչության իրավական պաշտպանության բաժնի

ավագ տեսուչ, ոստիկանության կապիտան



Վ. Սիմոնյան

ՀՀ Գործընկերություն

Համաձայնագրի համար՝ 01.11.22թ

0025

01.11.22թ

01.11.22թ

Հ. Մկրտչյան

ՀՀ Գործընկերություն	Համաձայնագրի համար՝
Համաձայնագրի համար՝	01.11.22թ
0025	01.11.22թ
01.11.22թ	01.11.22թ



L010653283124

ՀՀ Գործընկերություն

Համաձայնագրի համար՝ 01.11.22թ

0025

01.11.22թ